

松靄山房遺稿

099602-000-4

919.5-T0424s2

松靄山房遺稿

德 含/著

M12


DBV-2194



919.5

T0424s2

(V)



己卯十一月新鐫

松霽山房遺稿


上毛不坂中所贈
移置

樓之公

己卯正月



919.57042402



題詞

興堂

松翁枝又栗翁
此員長句授鑿繼
短辭追憶生前

公馬山房題馬

題詞

贈
田島道治殿



329652

多白業幾人
青顧廣遺詩
槐山房



序



松雪師歿之次年。諸弟子相議。抱跣遺稿來謁余曰。我師之詩。宜得直而不華。若叙以傳。不若先生。先生之系師。尤尤也。情尤洽也。遺集之叙。非先生不可。嗚呼。其意豈足以不朽乎哉。然乎生之文。恒。


必有石以辭者矣。余年甫十七。自房
來都。寓于東台勸學校院。時沙
先已在院中。諄其家學。以好吟詩。
與余一見如舊。沙伊多人也。年長於
余若干。頃之。因予文失。派子壽。後
又妙子壽。執執具於星巖。嚴先師。遂
廣交四方之士。詩境日進。名聲益

也。沈而奉其宗職。與錫于上武之間。
契潤有年。後辭職歸都。老于
沙芋梅園精舍。會余以自房從
居于七曲巷。與師居不甚遠也。花
前月。以時復過院。賦詩飲酒。相
樂也。嗚呼。爾時情境。今則不可再。
追憶文酒徵逐之路。杳如隔生。悲夫。

蓋師之政。不專一體。而尤以力七絕。既多神韻。以簡齋性靈詩為能負焉。尤嗜元祐時家新意于枯淡。若古梅槎枒。煙月龍花鳥。若柳竹歌斜。水石護根正。至于其詩之作。置之雲屋。以處集。中。一不為辨也。蓋一以逸韻。

得之天性。晚年文脫粉墨。凡境一宜。言所然。此所以尤為不可及也。嗚呼。昔者雖不足為所詩之重。然師之興。江湖文士。蓋從余如。亦之知師。自以為不讓他人。而師以道推許余。亦有異餘子者。然則遺稿之序。弟子不他求。而獨徵吾言。

其亦師之志乎。乃為述其平生梗概。其詩乃力測源。如是。甲戌晚秋於東京淺草七曲亭。堂德之邦。產之甫識。并書。



例言

一松齋師歿後。諸弟子以遺稿屬余。序以行世。既而弟子任其事者。有故往他。所以不果開雕。而至冷也。

一弟子所屬之稿。凡五百首。中有未脫稿者。有點竄未補者。余掇其尤者。二百五十餘首。姑序而藏之。

一今茲秋。余料理師舊稿。將與淺草寺如風師謀。鈔版。適栗園淺田先生見訪。曰。余與東台某院。

某師弁為鬻師舊交。某師歲鬻師詩若干首。而苦剗。刷之資。屬余襄其事。吾欣然諾之。托小野湖山。將以梓行。今聞子亦藏師遺稿。盍參校。同異協力。合刻。若刻費。余將任其責矣。余既感先生高義。又喜師集速成。乃取湖翁所錄。與余所鈔。重加校訂。付弟子某某。各自成卷。併以行世云。

一栗園先生所得之稿。盡係七絕。此卷兼收五七言律絕。從弟子之請。而亦栗園先生之意也。

一湖翁所錄之稿。與余所藏之稿。同載者七十餘首。因刪其複。茲存百八十四首。

一舊稿古體不存。俟他日搜錄。

明治十二年己卯菊花節。鱸元邦又識。

松靄山房遺稿卷上

釋德含圓禪著

川邊養信雲石 編輯
佐藤宥順卧雲 參校

山居雜吟

新築頗幽雅。閑中枕可高。傍牆皆種竹。繞屋盡栽桃。
吟步且輕屐。醉書愛秃毫。有時人送酒。不必鎖門牢。
夏頭春尾節。山氣雜寒暄。花暮鳥歸樹。月昇僧掩門。
香雲敷有影。芳露滴無痕。憶起東台夜。黯然欲

斷魂

手携團扇子。晚步逐涼行。暑溽威將退。露華光漸
生。穿松看月色。倚竹聽蟲聲。時汲前溪水。煮茶試
石鐺。

悄坐藥爐畔。憑梧看昶晴。殘霞餘暑色。野笛弄秋
聲。風愈頭猶重。詩題手稍輕。奚奴嫌寂寞。又趁牧
兒行。

西風歌一曲。樵者隔溪歸。遠樹猶殘雨。前山帶落
暉。呼童斂碁局。伴客出柴扉。相送過巖足。桂花香

撲衣

偶登庵上額。獨曳一枝藜。步倦松根踞。詩成石上
題。聞鐘分遠近。見日辨東西。歸路何邊是。雲迷我
亦迷。

八月山中冷。昨來霜隕庭。西階苔已紫。當戶樹猶
青。黃粥雲騰釜。汲泉月落瓶。清晨詩興動。袖手倚
柴扃。

茅廬足容膝。來往倦征途。弘法恐非任。作詩聊且
娛。米空迦葉鉢。芋試嬾殘爐。門外秋山瘦。營邱破

墨圖

澗水浮紅葉。秋山欲瘦時。流年每驚速。避世頗嫌遲。几上寒山偈。囊中石屋詩。禪餘時一讀。以足養神思。

紅塵飛不到。綠蘚滿庭階。醉味澆巾妙。吟思敲字佳。籬編三尺竹。門掩半扉柴。容膝蓬廬足。何嫌小似蝸。

蘿房秋寂寂。愜此隱淪心。暫置手中酒。且彈膝上琴。流雲遮月薄。零露濕莎深。小犬吠何影。林麓有

誰尋

倩來老翁媪。隨例守柴扉。近午今朝出。及昏明日歸。霜寒楓漸脫。水冷雁初飛。秋色前村路。携誰上翠微。

倦枕再無夢。寒燈殘夜青。風生磨墨袖。凍結插梅瓶。雪映窓疑月。火殘鑪見星。數聲鐘磬響。僧誦佛前經。

欲問梅花信。無人伴寂寥。未看疎影冷。先想暗香飄。卸帽剝霜髮。背鑪溫凍腰。微疴旋覺快。明日渡

溪橋。

正月六日。如風師見促探梅游。予卧病不果。
賦長句以呈。

屢探梅信待追隨。無奈餘寒峭逼肌。強健驚君來
促速。疎慵愧我起迎遲。凍泥滑滑車尤險。烟浪茫
茫艇亦危。一木破天今曉夢。想應春未到南枝。

春初書懷

住此茅廬春五周年。光荏苒水東流。只能稽古翻
書袂。未暇尋春喚渡舟。火宅固多妻妾累。雲房亦

有子孫憂。胡雖稍學鶯雛語。朗唱經名上口頭。

鐵洲大年。菱香諸子來。促力疾。泛舟墨水。

枕上聞鶯過一旬。出門靄靄滿江春。縱為獨往吟

應好。况得同行興更新。碎凍無聲粘水屐。火風有

影顛烏巾。若期疾愈頭輕日。梅墅何曾見一人。

太勝蕭間獨枕肱。後先相逐兩三朋。青蒲葉倒水

衝渚。黃菜花搖風度。強忍峭寒扶杖出。翻因驟

暖買船憑飛鞚。作隊游春騎。彷彿颿輪走馬燈。

葉似輕舟。攔水潯。過汀數步入梅林。園亭當日興

如昨香影幾年看到今隣笛有聲雲老句籬門依
 舊枕翁吟故人存沒兼悲喜雙淚斑斑欲濕襟
 看梅了得墨江游早已稍工把樽收殘日依依猶
 抱樹暮潮渺渺欲吞洲怕寒老衲先歸寺戀酒同
 人尚在舟恨殺微疴妨韻事欠看春月帶烟浮

春寒睡起

篆烟香爐博山鑪睡起蕭然喚茗盃老矣疎慵親
 枕褥生來潔癖惱僮奴柳含微暖漸舒眼僧怯餘
 寒才剃鬚頭上猶留盈寸雪人疑蓄髮遁浮屠

溪山春雨分得山雨二字

簷滴聲中畫自閒放扉衣袖濕斑斑翁攜紫筍和
 泥送奴挈青尊冒雨還不辨嫩蘆抽遠渚只看垂
 柳覆深灣好乘微澤種桃核經二三年花滿山
 溪陰無客敲蓬戶惟伴案頭花竹譜欲著短蓑脩
 藥畦先扶小傘檢蔬圃黃鸝喉澁尚能歌楊柳腰
 雷不堪舞憶起重玄達老緇年逾八十鋤烟雨

水東尋花

長堤殘雨探芳時搖曳江烟草色滋風意慳香吹

細細露光養艷。總遲遲。未來先怯。訛傳信及。出猶疑。或後期。從此春經三日好。一齊呈笑百千枝。

偶作二首

市中隱者亦清軀。肯向煙波混釣徒。佳客雖稀。惡客酒逋未辨。辨詩逋。楊花宛轉風前亂。荷葉參差水面鋪。日永幽居宜坐睡。不論時刻學跣。坐睡醒來欲夕陽。婆娑簾影覆匡床。一匙先服。無為藥。三椀隨澆澹泊湯。洗硯臨池魚避墨。移花傍砌蝶追香。禪居雖窄聊容膝。是處安心便我鄉。

游墨陀同大年叢香

花如繡帳草如氈。又是江東上巳天。馬耳雙峰排暖鬣。猪牙小艇截晴漣。繁華寧有勝今日。興趣曾無減去年。隨例三圍祠畔店。團藥取醉夕陽前。澹沱春光罩午烟。却勝晴日晚風顛。露花小雨無聲濺。障日微雲有影懸。堤上人排過寶馬。沙頭鳥散繫蘭船。生縑一幅倩誰筆。寫出水東三月天。

雨夜

簷滴疎疎密密間。思花情緒恨晴慳。殘燈焰短呼

讀

水雲山房遺稿

卷一

五

油續舊詩。瑕稠。授筆。刪。有似秋潮奔野岸。忽如飛瀑。濺空。如芳時。何必偏多雨。平日此聲聽。寺閑。

春晚閒詠

風前楊柳綠垂垂。老去苦吟人不知。學社可無求益友。吟壇本在揀良師。飛騰冉冉欽仙客。組繡紛紛厭女兒。斷送年華情尚在。焚香一讀浪仙詩。

同月波雲松遊墨水

春色三分減二分。何堪兀坐對鑪薰。老僧只吐烟霞語。才子立成冰雪文。幾樹殘花迎竹杖。半堤芳

草拂羅裙。聯吟又恐明朝雨。不似無心出岫雲。欸欸春風淡淡霞。詩成好向少年誇。城中不記王侯宅。野外唯尋釣牧家。芳草斜陽樓上笛。板橋流水寺前花。去時亦是來時路。堤柳陰中踏白沙。

喜松塘老人見訪

春寺鐘聲斷續聞。閒談不覺夕陽曛。窓前脩竹添清趣。瓶裏幽花絕俗氛。酒為偶嘗甘似蜜。詩因漫述澹如雲。勝流多趁朱門約。白社尋盟獨有君。

春日游灌花亭席上分得韻元

公富山房遺稿

卷一

七

雲磴躋攀奈苦辛。別從迂路訪祇園。貪看紫筍抽
林角。不覺青鞋躓樹根。一鳥飛邊雲出沒。百花飄
後水潺湲。石橋才度松如畫。臺殿深藏只見門。

鐵洲兄來索作字酒間賦長句

古硯池深漲麝煤。一揮掃破素箋堆。墨飛紙上龍
蛇走。竹動窓間雲霧來。膝痺兒童先遁席。腕疲老
子欲呼杯。喜君濡筆詰朝約。畫舫春風游許陪。

野步

香椀茶籃到處齋。詩成謔掃石苔題。紛紛鬪草雙

鬢髻。默默隨人一杖藜。春水舟行天上下。夕陽花
落岸東西。九旬罕值晴三日。憎殺林鳩喚雨啼。
一支春水碧通江。路入垂楊度石虹。貼岸水梭浮
片片。穿雲天鷓叫雙雙。時敲石火拈烟管。欲卸行
厨倒酒缸。麈眼籬踈誰氏宅。風搖白拂映紗窓。

春日閒詠

減却綿衣體漸輕。蒲團詩卷小燈檠。初疑茶鼎蚶
簫響。終判水田蛙鼓聲。覆我階前雲忽暗。沉他屋
角月微明。無花可賞猶春夜。坐到僧鐘第二更。

暮春念二日同叢香大年到松崎遂遊墨田
及夜而歸

園。林。幽。雅。住。伊。誰。停。杖。輶。從。門。隙。窺。新。樹。團。團。遮。
屋。瓦。殘。花。艷。艷。罨。籬。笆。纜。來。江。渚。景。如。畫。緩。喚。渡。
船。情。在。詩。篙。子。不。關。人。促。急。口。吹。烟。管。立。移。時。
輕。裝。小。隊。趁。芳。辰。邂逅。相。逢。又。一。人。楊。柳。陂。塘。碑。
弔。古。壯。丹。庭。院。茗。嘗。新。閒。行。衣。服。表。交。裕。隨。處。風。
光。夏。帶。春。吟。我。模。稜。兩。端。甚。日。中。戴。笠。晚。幪。巾。

讀文政十七家絕句

文政詞人誰是魁。欣然執卷手忙開。射鵬手勁鉅
公勢。摹象思深高。衲才罕有老仙能。化石曾無枯
骨不生苔。老懷感物多愁淚。一片春雲送雨來。

初夏幽居雜詠

日長山靜最佳時。几上紫排筆硯危。酒價增高寧
禁酒。詩材雖乏未拋詩。祇能隘室容雙膝。便比深
林借一枝。醉夢覺時春又去。已無花可插軍持。
丈室居然小釣艘。瓜棚未結翠雲幢。先鋪青簟舒
黃卷。且鎖西軒啓北窓。歲歲戀春淹客土。年年畏

夏憶家江。肉身無翼難來去。羨得梁間燕子雙。

山居雜句

隻句何惟月下推。朝昏盍坐倚亭臺。門前有路斜穿竹。屋後無流不帶梅。買酒船維沙岸在。煎茶水出篔簹來。十年宰相成何事。只合山中陷芋魁。午飯供遲計又違。店無豆腐僕空歸。旋添鑪炭搖葵扇。更捉厨刀剥芋衣。忽有村翁分社酒。便緣穀雨應春祈。山村雖厭桑麻語。也勝城中說是非。相呼相喚後先童。衝暗徘徊渠水東。山寺樓臺遮

樹黑村祠燈火隔。陂紅一群蛙報田間雨。數點螢
逃扇上風。閒却紗囊便歸去。好期他夜學車公。

答鄉友片岡士順寄

舊友報言田里安。試思歸後事般般。酒緣親澆巾
常濕。書免人求筆。或乾春路聞禽節。作伴秋林炙
菌葉為盤。老慵雖愛家山好。其奈名都棄去難。

山居和韻

赤城峰下是吾家。瓶鉢隨緣避世譁。花酒千場歡
有限。利名一擲樂無涯。山王林暗栖黃鳥。天女池

深蟄白蛇好。喚胡雞催夕梵。遙天片片已歸鴉。
茅檐向背水東西。寺與樵家隔一溪。山抹嵐光無
遠近。路隨地勢有高低。幽崖釀蜜蜂鬚藥。高棟營
巢燕嘴泥。何處係桑人。不見搖籃掛樹小兒啼。
兩扇門扉畫亦闕。有時行藥到橋還。老踈藜杖因
身健。倦學跣趺覺意閑。匝地移栽新翠竹。一窓遮
斷小青山。麻衣草座此生了。未害孤栖雲谷間。
虛貴僧官那足誇。清閒獨屬老緇家。絡軒藤葉魚
蘿葉。鋪地松花雜竹花。有想天龍圍道樹。最疑羅

漢斷塵沙。眼明重閱諦觀錄。一半西窓收落霞。

初夏即事

飯後茶烹雀舌纖。幽居所適只安恬。逍遙有興節
常。曳。迫。促。無。人。筆。又。拈。一。片。紅。飛。吟。漸。減。千。章。綠。
暗。睡。初。添。隣。僧。叩。戶。言。何。事。避。暑。鄉。山。看。水。簾。
松蘿師不有名於律詩。今讀此卷始知律之
佳。蓋得力於誠齋放翁秋崖似勝絕句專學
元人者。實近世僧中之俊也。豈可不刻而傳
哉。明治己卯十月。枕山老人。大沼厚識。

松靄山房遺稿卷上畢

松靄山房遺稿卷下

釋德含圓禪著

川邊養信雲石
佐藤宥順卧雲

編輯
叅校

雨

當春催發育。維夏潤枯焦。好事學吟者。愛聲裁綠

霜

白露初凝夜。青楓欲染時。枯蘆秋水。上背冷鴈先

鐘

斜陽松影底。樓倚翠巖危。原示無常理。山僧撞不

船

知。葉如輕泛泛。穩載一漁蓑。莫羨帆檣巨。大洋風浪

歸東台時櫻花盛開

歸來恰及早櫻時。細雨樓臺花滿枝。未卸旅裝先

登山王臺

小櫻花下地高低。兩箇黃鸝兩處啼。已有宮娃聯

殘春雨中喜星巖先生見訪

落花風裡雨纖纖。茶菓留人高卷簾。謬索題詩煩

春陰

凭梧偶冉小眠成。覺把閑詩費品評。兩意困人春

懷昨非老人在增井山中

雨餘日脚弄微和。二月初聞黃鳥歌。忽憶故人栖
止處。山深松閣暮寒多。

偶作

城中僧寺足煩憂。何日水雲身自由。謬展霜鱗圖
隱地。茂林脩竹小茅樓。

辛丙五月四日得杏子岳書題三絕句却寄
一幅雲箋手拆忙。先知水遠又山長。去年八月君
題字。傳到黃梅雨裡房。

華箋照眼睡思蘊。如看王郎潑墨圖。記得納涼同
醉處。綠荷白雨小西湖。
弄筆何須苦改詩。只隨所得寄相思。報書若學平
生嬾。除此行商可托誰。

夜飲池亭

湖亭面面夜相宜。荷葉有聲風度陂。燭影依微人
語細。隔簾難認客為誰。
袈裟未趁夜塘涼。夢看金波漾月光。沈水旃檀品
雖貴。不如白藕自然香。

不知香霧襲吟衣。醉自荷花深處歸。碧殿紅廊何
得辨。夜山如墨塔燈微。

六月念二日遊日暮里登某氏樓

墨雲破處夕陽開。雨歇猶聞隱隱雷。雙眼忽寒三
伏雪。芙蓉岳色入樓來。

池塘七夕

池欄倚遍酒初醒。齒莖花開秋滿汀。香露團團葉
心白。不知浸影是何星。

冬日赴小野逢善寺往來途上得絕句若干

首

驛樹荒涼晚鎖烟。初三月子細於弦。筑山霞浦曾
遊地。屈指于今十九年。

觸目荒涼戶戶貧。就中僧寺闕無人。龕傾雙扇扉
難鎖。剝落泥金露佛身。

風飄枯葉亂紛紛。慘澹溪光夜欲分。僧在鐘樓山
吐月。一聲敲破護霜雲。

客枕夢回燈火青。開窓微霰白鋪庭。翻思昨夜黃
絢暖。一霎檐聲做雨聽。

遠山澹澹野松青。白鷺高飛鴈浴汀。寒水生紋光
激盪。半帆殘日渡東寧。
伊軋轂中夢乍回。不知路已近東台。水田衣上婆
娑影。月逗橋簾踈處來。

山居雜吟

支頤搖膝對園池。洒掃僮奴各趁時。同是山中閑
事業。渠刪蓴草我刪詩。
山畦乾盡麥苗萌。相遇人皆愁久晴。一夜雨來和
氣洽。餘酣及此待花情。

聽雨情懷勝聽風。黃紬被底氣冲融。春宵一刻千
金直。不止花香月影中。
愁對平蕪漠漠烟。憑誰為寄故人箋。平生無夢不
東顧。况及吞花卧酒天。
日日呼童掃落花。雨餘已見筍抽沙。何時免得媚
檀越。莎草滿庭栖亂蛙。
筍迸跣趺床下石。宛然屈曲蟄龍蟠。人生窮達皆
如許。休羨撓天百尺竿。
農家致富孰能禁。耕織勤劬惜寸陰。米麥繭絲增

積了。依然守舊布施金。
半庭微濕暮烟凝。聞有靈山禱雨僧。想見巖陰霏
霧裏。手持金杵對天燈。
一片丹心通萬靈。村村甘雨帶龍腥。炷香趺坐板
簷下。爭做尋常琴筑聽。
枕上詩成仰自哦。隔紗涼月影婆娑。蠻童今夜張
禱矮。疑是飛蚊掠鼻過。
已到星宵過後天。更深月露兩嬋娟。冷床孤卧僧
家事。推出嫦娥鎖戶眠。

隣翁持贈青頭草。一盞應須破寐寒。先撥爐紅安
瓦釜。豉香鹽白自烹調。
尊前侍坐兩三童。對月推敲半醉中。分與蒲萄珠
幾顆。睡頭不使觸屏風。
燈下緝看種樹篇。育材道可學前賢。自然成立有
遲速。桃李三年柿八年。
初寒適體道心清。珠指金剛坐二更。霜月一痕窓
似燭。夜泉滴作誦經聲。
忘却西庵禮佛期。茶梅花下立多時。息諸緣務平

生志一事難拋只是詩

猩紅柿葉落前除。小住匆匆歲迫除。忘却城中車馬鬧。此心長遂入山初。

脚健心輕出不慵。逍遙多到夕陽春。綿衫絮帽聊全備。擬探梅花涉一冬。

零葉掠簾風脚寒。改詩竹几小蒲團。幽禽危坐南天竺。欲啄紅珠偷眼看。

凍雲催雪雪催吟。跌坐何須練此心。古佛道場銀世界。任無長者布黃金。

機嫌有戒出無由。六七年来欠勝游。雪月花時最相憶。一枝柔櫓墨陀舟。

詩名無意競高低。歸卧庵居憶舊溪。老矣雪風如許夜。爭堪棹碎凍玻璃。

遙想老僧呵手撞。一敲敲度遠村鐘。不知窗外深宵雪。積到寒堦第幾重。

健起欄干曲處凭。懸檐冰柱日高昇。天晴一碧連山白。此景都人看不曾。

寄懷星巖先生

一窓花影半床書。十載依然舊草廬。聞說能詩老
東野。少車家具數移家。居

雪日懷隆師在晃嶺

看見茅檐雪。梅吟窓獨酌。撥爐灰。山中道友骨
應凍。思否人間酒一杯。

雲松月波見訪

何須格調學唐風。老後吟詩只要工。對酌滑稽皆
入句。不教人坐寂寥中。

看梅夜歸舟中二首

漾漾溶溶白滿川。春波無際澹生煙。新年第一尋
梅夜。載得詩僧月在船。
數枝梅萼一枝藤。上岸歸來犬吠僧。水霧雖寒已
春色。絃聲依約夜船燈。

醉浚作草書數紙戲題

道人豈有夢生花。醉筆揮來字字鉏。內亦無多仍
少骨。墨豬旋變似風鴉。

新梧清晝

雙奩黑白為賓供。愛此庭梧陰未濃。到得沙煎波

沸日重重更復要重重。

柳陰垂釣圖二首

舟傍苔磯柳影繁。午涼天氣勝春暄。薰風自惹漁翁睡。不省餌鉤魚已吞。

垂楊影裡老漁人。胸次何曾著點塵。好把無絃琴趣比。一竿儂亦學垂綸。

買花

買花親向佛前供。即把新紅換老紅。紅未凋殘何忍棄。持來插我膽瓶中。

遊梅墅用高青邱無村不見梅句為韻

錄二

借床未肯啓行廚。一一先看梅百株。底事春來空

費思。相逢林下片言無。

風送暮寒香撲面。飄葩吹入花前硯。詩窮一字欠留題。怕被才人留眼見。

本龍院看花時庚午重三

不見春波泛白鷗。櫻雲萬樹只看頭。屏他比屋非容易。吾勸主人高此樓。

謝人惠新筍

僧家珍味筍為魁。想見森森穿綠苔。莫笑纔涎忽
流口。折煙束露寄將來。

山中聽泉

觸物尋常感慨催。聽泉巖下暫徘徊。濺濺一出山
中後。不似晚雲歸岫來。

僧房借榻

馬馬車車耳。厭聞人間何地。道塵氛。偷閑半日支
公院。一榻公然卧看雲。

門外趁涼歸

晚涼浴罷出徘徊。運篋搬箱市已催。貪看夜商陳
骨董。忽驚噴嚏便歸來。

觀蓮

觀蓮侵曉也堪誇。況此盃盤辨咄嗟。湖霧霏霏濕
如雨。糝糊影外認紅葩。

夏晝小雨

風掠膽瓶搖白蓮。暑中小雨是天憐。貧家欠具還
多趣。借傘人來借榻眠。

小雨釣歸圖

背立雙童搖櫓還。白頭翁坐箬蓬間。菰煙蘆雨秋連浦。澹有無中見屋山。

秋江閑泛

煙中水寺晚鐘聞。風亂半江蘆雪紛。漁老求魚吾覓句。載將秋色各平分。

新秋買舟遊三义

輒向西撐又向東。茶籃載在小舟中。夕陽高柳蟬鳴處。水曲秋生蘋末風。

花園秋日

聞盡斷腸花底蟲。詩愁正在冷煙中。也知朔雁帶霜到。紫萸葉尖微帶紅。淺黃深碧鬪奇葩。戀賞不知雲日斜。名下無虛元好語。一叢秋艷海棠花。

記曾

記曾停棹聽黃鸝。一岬垂楊綠萬枝。腸斷煙波春渺渺。舟中我獨去年緇。

梅園精舍春日雜吟

月在梅花第幾枝。推敲初定夜深時。真成一字千

金味除苦吟人恐不知
 袈裟肯願暮年祭瓶鉢隨緣送此生最是塵居春
 好處朝朝夢破賣花聲
 僧攀花送兩三梢欲換躊躇未忍拋瓶裡且添升
 勺水老紅新碧插相交
 畫梁燕子語喃喃過雨春困泥可啣枕上風簾花
 氣動一枝紅藥正開絨
 夜來落盡萬紅葩起引轆轤殘月斜膽樣瓶中新
 換水一技能活不根花

百花淨洗尚慳晴。簷滴無聲復有聲。夜雨春窓燈
 火藥。挑挑挑盡到三更。

秋日小雨

隘巷喜無行客過。塵居只此數弓園。牽牛架上露
 微雨。紺碧不凋看到昏。

晚秋訪隱者主人有詩和其韻

舊友隱居秋澗濱。岸楓映水錦鱗鱗。小頭稚子磨
 門出。先心狺狺犬吠人。
 河漏堆盤縷縷銀。老饒飽喫勝魚珍。撫摩笑我彭

享腹彷彿遠山無一效

霜晴出郭遂到洲崎得十句絕句用寒生雁

背天將雪冷入魚鰓水欲冰為韻錄六

橫穿車馬到江干對對浮鷗戲碧瀾多事蘆花飛

學雪點人衣袖送輕寒

畏風撒去看花筵慮雨撐歸賞月船大抵陰晴無

定準可憑只此小春天

禪悅何如魚鳥悅恰逢水寺好時節他日重遊心

自期來看人釣寒江雪

岼楓紅帶夕陽影慙我無詩爾好景名句千秋五

字傳使人長憶吳江冷

風卸楓紅樹影疎呀啞櫓響見歸漁簦笠若有異

鱗在一片分吾楓葉魚

漁浦冬晴亦樂哉船頭補網暖如煨家鄉門口臨

滄海尚記遊鯨晒巨鰓

冬日遊梅莊用暗香浮動月黃昏為韻錄五

潮落沙洲舟繫纜逶迤隄路暮煙澹脈脈幽香引

到門梅花立處明還暗

提携恨欠故人遊。隻影梅前夜更幽。忽有娃鬟捧
括到。澹妝楚楚宛羅浮。
後至山童卸茶籠。吠他小犬穿牆孔。月出風前影
上欄。不知雲動將花動。
半點無塵汗巾襪。冷香吹徹吟僧骨。成就一詩歸
未遲。繞欄看遍枝枝月。
不容塵事作吾妨。况復牢晴幾夜霜。會向明宵烟
月底。促朋更復趁昏黃。

雪中即事

天風剪水涵寒波。吟倚溪樓筆屢呵。碎破玻璃槽
枝響。半肩白壓釣人叢。

十二月十九日遊天香處士園

半竿瘦日凍雲遮。知是奇寒釀雪花。驚羽離枝飛
不去。疾風吹卻一林鴉。

訪江村老人柳島幽居

未昏先慮去時燈。踏石行如拾給登。誰信當年雙
脚健。月明隨意叩門僧。

夏山欲雨

忙收晒藥喚山童。綠葉紛紛舞猛風。吹落絕巔雲
幾朵。豆人寸馬入溟濛。

喜鍊洲來

來勸出遊相促頻。呼童命酒且羹尊。我行不得君
須飲。笑把禽言留故人。

聞砧

砧杵丁東月二更。投衣應感遠人情。秋來觸耳皆
愁韻。最動鄉心是此聲。

秋日雜句

尋常老眼霧看花。細字蠅頭任客誇。笑問山童童
亦笑。林梢殘葉認如鴉。

霜曉肩輿行湖上

小小輿窓護冷絨。不容霜氣襲征衫。夢中恍聽行
人語。初旭松頭掛一帆。

興卒應巖喜息肩。忽敲石火拾枯燃。一盃無酒殺
風景。對此湖光唯喫煙。

冬晴泛舟墨水遂到木母寺前

花時舟價比常添。煙火開頭最不廉。一棹撐來宜

此際滿江寒水浸蒼蘆。

歲晚遊近郊

燈火村莊軋軋機。為誰辛苦織春衣。畏寒詩衲老
孱極。孤負梅梢新月歸。

即事

枯木稍栖點點鴉。一支寒水夕陽斜。思曾春色飽
穠麗。來此孤亭看草花。

春初偶晴

風擘雲衣山露肩。日烘冰鏡水生漣。埃巾垢服春

應笑。只有新吟不舊年。

雪後春酌

村店未歸沽酒奴。一杯聊且飲屠蘇。夕陽多事穿
雲出。柳絮梅花消欲無。

答人

詩酒春風花下筵。故人勸我與江鮮。知非惡意慵
拈箸。口不茹葷四十年。

游牛島和福寺有感

檀施日減寺僧貧。瓶鉢誰能樂此辰。堪笑原要閑

寐者。栽花設榻引游人。

春日遊不能庵觀甚歸

爭碁有客語言譁。輸者微嗔贏者誇。半日旁觀衰
眼倦。不如歸對霧中花。

春夕訪陶村和尚

薄暮園林淡不明。先看白處問花名。主人頓吐詩
人語。地上是梅枝上櫻。

示童

朝朝換水插花筒。頗類倪迂課洗桐。嫌癖故人多

棄我。唯能耐。又是家童。

秋曉待渡

烏帶月。落水鋪煙。各喜篙聲近岸前。中有商人慣
行旅。遲來半刻却同船。
上汀人。換上船。入渡口。雖寒景。又新店。嫗頻誇。甘
醴暖。一杯爭得。不沾唇。

霜晴出郭訪友人村莊

一路軟風苗麥青。連枷聲處訪林扃。應門童子揖
先入。引到茶梅花下亭。

瓶裡草花迎客香。咄嗟席上已盃觴。主人誇勸新
家釀。閑却一瓢般若湯。
鳥不構窠。蟲不侵。秋多甘實。夏多陰。聊書此事。酬
馳走。積善家貲好柿林。
多謝相貽情意深。盈籃霜菓貴於金。奚奴已束歸
裝了。半擔黃柑半擔琴。
水面風寒日影晡。醉歸吟脚杖相扶。晚來野渡呼
舟上。撐入蘆灣宿雁圖。

即事

身閑城市亦山村。午暖徜徉殘菊園。戲罷小兒思
乳走。犬婆眠在粉牆根。

樂天自樂杜陵悲。吾亦閑吟吐所思。高格唐風寧
不慕。且要一讀解人頤。

夜聞落葉聲

憶得春窓旭影明。飛花滿地起初驚。丹楓也似要
人惜。一夜蕭蕭送墜聲。
富亦一生貧一生。究推此理我曾精。坐耽幽聽宜
冬夜。茅屋寒燈落葉聲。

冬晴遊友人水居

枯蘆寒荻小無痕。半作船篷半作藩。絕似春初水
泮後。尋梅一棹到西村。
故人喜我偶來過。載酒先謀掉晚波。脚未上船先
快意。斜陽乃款數聲歌。
主人指示艇沿磯。道是伴遊魚送歸。寒日對山餘
照在。貪看雪鷺映波飛。

送堀口大路歸上毛

喜君來訪老頭陀。其奈匆匆握別何。愧我衰殘無

傑思。送行詩只淚痕多。

山村風雨以題為韻錄二

愁花纔過又愁楓。想像前林半卸紅。爭使詩人頭
不白。一年兩度雨兼風。
秋茄漸美漸稀疎。荒敗關心風浚圃。疲來纔得夜
深眠。多事葉聲還學雨。

煮腐

手不放匙君莫笑。鍋中乳味滑而甘。真成煮腐如
占筮。一沸清新忌再三。

老去

老去身為不睡僧。因愁油費十倍增。縱然三日囊
無米。可欠吟窓夜燈。

松靄山房遺稿卷下畢

明治十二年十二月九日御届

編輯人

東京府平民

川邊養信

本所區相生町三丁目九番地

出版人

同

鱸松塘

淺草區向柳原町三丁目四番地

發行書肆

同

東生龜次郎

日本橋區通旅籠町二番地

